



- EDITORIAL • RÂL VÊNGTU • CHHÛNGKAW CHANCHIN
- » CKTP huaihawtin chanchinbu enkawltute Workshop neih a ni
- » MPF Annual General Meeting Vawi 10-na
- » Chhim Bial Committee neih a ni

RNI 68092/83 Regn. No. N.E. 1024  
From  
Synod Literature & Publication Board  
Synod Office, Aizawl - 796 001  
Mizoram. Phone: 0389-2324590

# SYNOD *Newsletter*

Volume XXX

No. 397

E-mail: [synodnews@gmail.com](mailto:synodnews@gmail.com)

OCTOBER, 2016

## LÂWRKHÂWM

## SYNFO BUATSAIH

### “PRAISE ON” TLUANG TAKA KALPUI ZÊL A NI

#### SYNOD-IN RÂL

September 17, 2016 (Inrinni) khân Rev. P. C. Pachhûnga, Synod Executive Secretary, Upa Lalrinmuana Synod Office Superintendent leh Tv. David Lalruattluanga, Synfo Staff te chu Tlungvêlah kalin Sept. 16, 2016 (Zirtâwpni) zân leimin avânga Tlungvêl khuua chhiat tâwk te an râl. Leiminin a hnâwl Pu Lalrosiama te chhûngkua vuinaah hian Synod hotute hi an tel a, ₹ 20,000 in an râl nghâl a, Pi Chhawnveli te nufa pawh ₹ 20,000 in an râl bawk. Pu Daineihthanga te an in luah leiminin a hnâwl avângin ãanpuina ₹ 5,000 an pe a, Synod Charity Store aãangin bungbel leh thawmhnaw ãhahnem tak an pe bawk. Lusûn chhûngkua te leh chhiat tâwk te hi Synod chuan a tuarpui tak zet a ni.

#### SYNOD PISA KAI HUN

Synod Office kai hun hetiang hian tih danglam a ni – October, 2016 - February, 2016 thleng zing dâr 9:30-ah ãanin tlai dâr 4:00-ah an bâng ãhin ang.

#### TRAINING

Synod Social Front chuan a wavi thumna atân Champhai District pualin Champhai Vêngthlang Kohhran Hall-ah Sept. 15 - Oct. 14, 2016 chhûngin Aluminium Mistiri Training a buatsaih a. He training neih mêkah hian trainee mi 11 an awm a ni.

**LALPA chu a ãha a, mangan nia kulh nghet a ni; amaha an rinna nghat tute chu a hria. Amah dotute erawh chu tui lian nasa tak hmangin a tiboral vek ang a, a hmêlmate chu khawthimah a ûm lût ang.**

Synod Information & Publicity buatsaih “Praise On” TV Show, (KTP puala mal zai intihsiakna) chu tluang taka kalpui zêl a ni a, mipuiin an hlut hle. Mizoram Presbyterian Kohhran chuan tûnlai khawvêl media hmasâwnnate hi rawngbâwl nâna hmang ãangkai zêlin tûnah hian TV channel pakhat Hruaina Êng chu LPS-ah leh Zonet-ah a pe chhuak reng a. He TV Channel leh Programme hi Synod Information and Publicity (Synfo)-in enkawlin Mzoram Presbyterian Kohhran rawngbâwlna pêng hrang hrang chanchin te leh Kohhran tâna ãangkai tûr thil te pêk chhuah ãhin a ni.

Hruaina Êng TV channel hi ãangkai zâwka kan hman theih nân leh Kohhran mipuiten kan hriat zau zêl theih nân Reality Show buatsaih ãhin a ni a. Kum 2014 khân KTP pualin Quiz buatsaih a ni a, kum 2015-ah Kohhran Pavalai Pâwl tân Quiz buatsaih a ni tawh bawk a. Kumin hian KTP pualin mal zai intihsiakna “Praise On” buatsaih leh mêk a ni bawk.

Tûn ãuma mal zai intihsiakna “Praise On” buatsaih a nih chhan hi Kohhran rawngbâwlna pawimawh tak pakhat, zaia rawngbâwlna kawnga hmasâwnna atân leh Kohhran mi zaithiam, Pathian fak leh chawimawi thei tûr, Kohhran programme hrang hranga zaia rawngbâwla hman theih tûr mi zawn chhuah a ni ber a, chumi rual chuan kan sawi tâk angin Hruaina Êng TV channel mipuiin kan hmehriat a, thlirtu kan lo pun zêl a, rawngbâwlna ãangkaia hman a nih theih nân a ni bawk a, he channel hi thlir ãhin tûrin Kohhran mite kan ngên a ni.

Praise On intihsiakna hi Round hrang hrang - Audition Round, Second Round, Third Round leh Final Round-ah a ãhen a ni a. Audition Round hi Aug. 12 – 24, 2016 chhûng khân Zone hrang hrangah neih a ni a, Branch KTP ten an thleng hlawm a, hetiang hian: Lunglei Zone – Lunglei Chanmari Branch KTP, Sêrchhîp Zone – Sêrchhîp Kâwnpui Branch KTP, Champhai Zone – Champhai Vêngthlang Branch KTP, Kolasib Zone – Kolasib Diakkâwn Branch KTP, Mamit Zone – Mamit Branch KTP, Aizawl Zone – Mission Vêng Branch KTP leh Chanmari Branch KTP ten an thleng a. Audition Round-ah hian mi 799-in hming pe-in mi 749 an zai thei a, Praise On a rawn telte hi Branch KTP ten an Branch aiawha zaithiam an rawn thlante an ni bawk a, an zaithiam hlawm hle. Audition Round thlengtu Branch-ten tlin tak leh hlawhtling

takin an lo thleng a, Praise On pawhin a hlawhtling phah hle. Audition Round aãang hian Second Round a zai tûrin mi 254 thlan chhuah an ni.

Second Round hi Sept. 13-16, 2016 chhûng khân Bûngkâwn Kohhran Golden Jubilee Hall-ah tluang tak leh hlawhtling taka neih leh a ni a, Bûngkâwn Kohhrante inpêkna a fakawm hle. Second Round-ah hian mi 254 zai tûra ruahmanah mi 250 an zai thei a. Second Round intihsiak Result hi Sept. 19, 2016 zân dâr 8:30 pm –khân Hruaina Êng TV channel-ah puan a ni a, Third Round a zai tûrin mi 50 thlan chhuah leh an ni. Second Round-a zai te hi an thiamin an zaiin mite rilru a hneh hle a ni.

Praise On TV show hi Final Round thlengin Bûngkâwn Kohhran Golden Jubilee Hall-ah neih chhunzawm tûr a ni a. Third Round intihsiakna hi Oct. 3-5, 2016 chhûngin neih leh a ni a, Final Round chu Oct. 25 & 27, 2016 ah neih a ni ang a, Oct. 28, 2016 zânah Final Result puan a ni ang. Third Round aãang hi chuan zân lamah intihsiakna hi neih ãhin a ni tawh ang a, Hruaina Êng TV Channel-ah Live-a pêk chhuah leh a ni ang.

Praise On-a pakhatna hian lâwmman ₹ 80,000 a dawng ang a, pahnihnain ₹ 40,000 dawngin, pathumnain ₹ 20,000 a dawng bawk ang, Top 10-a tling ten ₹ 50,00 ãheuh an dawng bawk ang. Pakhatna aãanga pathumnate hi Music Home, Chanmari chuan Casio Keyboard an pe ãheuh ang a, an awmna Branch KTP tân Microphone an pe ãheuh bawk dâwn a ni.

Praise On thlengtu Kohhran leh Branch KTP ten tlin takin an thleng a, ãha leh sum tam tak an sêng hlawm a, an ãhahnemngaihna leh inpêknaah Synfo Committee chuan lâwm thu a sawi tak meuh a ni.

# SYNOD Newsletter

## EDITORIAL STAFF

Rev. Dr. C. Chawngmingliana  
Rev. PC Pachhûnga  
Upa H. Ronghâka  
Rev. R. Laldinthara

## Editorial

### THANGTHARTE HIAN KÛT HI KAN ZO LO?

Kan pi leh pute khân Kût chi hrang hrang - Mîm Kût, Pâwl Kût, Chapchâr Kût etc. hlim tak leh nuamti takin an lo hmang thîn a. Kût ni vângthlaah hian zû nên kham lo takin kum tam tak chhûng an lo hmang tawh thîn. Mit tikham zâwngin emaw, Mizo hnam timualpho tûr khawpin an hman kan hre ngai lo.

Chanchin Thain kan ram a rawn tihên chinah kan Mizo Kût te chu rei tak hmang lovin kan awm leh tawh a. Tûn tlai khawhnu-ah hian Mizo Kût te chu kan han thar thawh leh ta a. Chûng Mizo Kût pui pathum zînga pakhat Chapchâr Kût chu Kristianna hrûlah a Mizo thei ang bera hman tumin sawrkâr leh YMA bul tumin kan hmang kumtin leh ta a. Chu bâkah Mizo pangpâr pawh ni hauh lo *Anthurium* chawî lâr nân ni maw, *Anthurium Festival* pawh kan sawrkârin a buatsaih kum tin leh ta mai bawk a. Hêng Kût hman nân hian sawrkâr leh mi mal sum tam tak a luang ral thîn.

Hêng Kût te hi Chanchin Tha êngah, a Mizo thei ang ber leh a Kristian thei ang bera hman tûra ruahman chu a ni thîn ngei mai. Amaherawhchu, ruahman ang tak chu a ni thei tak tak lo zawng a nih hi! Tûn kum hnih kum thum lek kal ta aţang khân Social Media chak vang pawh a ni thei ang, Chapchar Kût hmang thlalâk leh *video* an rawn târ chhuah te kha a va râpthlâk thîn êm! Tleirawl tē tē (Mipa leh hmeichhia) zu in lai leh zurui tam lutuk te, mipui zi nuai nuai kâra mipa leh hmeichhia lo inpawm vaw vaw leh lo infâwp ngâwng ngâwng tâwk lah bo lo. Kumin *Anthurium Festival* hmang ni âwm tak *whatsapp* lama an rawn târ lan - mipui zi hut hut kâra hmeichhe pakhat vai dum tâwkin a lo fâwp lai leh chutih lai taka mi pakhatin chu hmeichhia vêk kokia a khabe lo nghat ve mêk bawk te kha hmuh a va hrehawm tak êm! An thlalâk entu kha kan lo zak zâwk alawm maw le! Rui lo hai lova tih ni tak maw! Duh tâwka zu in tûr awm ta hi kan zo ngang lo a nih hi maw. Khatiang bâka Mizo hnam mualphona a awm chuang dâwn em ni? Kan hnam leh nun ze mawi tak hi tu nge vawng him ta ang? I ngaihtuah Chiang teh ang u. Tûnlai thangtharte hian Kût hi kan zo lo achha chu a nih hi maw? Hetiang kût hi hman zui zêl chi a ni dâwn em ni?

### BAWNGKÂWNAH COUNSELLING CENTRE HAWNG

Mizoram Synod, Family Guidance & Counselling Centre-in Châmari-a Counselling Centre an neih chu Bâwngkâwnah sawn a ni a. Bâwngkâwna Counselling Centre sawn tâk hi Rev. PC Pachhûnga, Executive Secretary i/c FG&CC chuan Sept. 27, 2016 khân Pathian hnênah a hlân.

Bâwngkâwna Counselling Centre hi Bâwngkâwn kâwn lai tak, Pastor Quarters hlui, tûna Bâwngkâwn Bethel Bialtu Pastor-in a luah tâk chungah siam a ni a. Hlanna hun hmangtu Rev. PC Pachhûnga chuan, kan ram mamawhna sâng zêlah

Counselling chu a pawimawh tulh tulh dâwn a ni tih sawiin, Aizawl hmâr lama awmte tân, Kohhran bîk pawh sawi lo va, mi tinin Centre chu hmang ţangkai thei se a duh thu a sawi.

Rev. R. Lalhmingthanga, Director FG&CC chuan report a pe a. Kum 2009 May thla khân Châmari-ah hian Counselling Centre hi hawn a ni a, a hawn tîrh aţanga pantu an neih zawng zawng chu mi 3,205 an ni. Châmari-a an building luah lai chu luah chhonzawm a remchân tâk loh avângin Bâwngkâwnah hian SEC chuan sawn a rêl ta a ni tih a sawi bawk.

### CKTP HUAIHAWT BIAL LEH BRANCH KTP CHANCHINBU BUATSAHTUTE PUAL WORKSHOP NEIH A NI

September 22, 2016 (Ningani) khân Central Kristian Thalai Pâwl buatsaihin Vanapa Hall-ah Bial leh Branch KTP chanchinbu enkawltute pualin workshop neih a ni.

Chanchinbu enkawltute puala workshop buatsaih hi KTP General Conference wawî 56-na (Champhai) thurêl bawh zuina a ni a. Chawhma lamah Leader Rev. Zothansângan kaihruaiin hunserh a hmang a, Gen. Secy. Upa Zonunmawian puan tûr tûlte puangin lâwm thu a sawi a, Mizoram Synod Choir an zai bawk. Chawhma lamah hian Upa C. Lalduhawma, Mission Vêng paper buatsaih, '*Chanchinbu hmanga rawngbâwlna*' tih zir ho a ni a, sawi hona hun hman zui ngêl a ni a. Chawhma lam hun hi Workshop Sub Committee Chairman Tv. Joseph Lalsângzualan ţawngţaiin a khâr a ni.

Chawhnu lam hun chu Asst. Leader T.Upa Ngûrhminglianan a kaihruai a, Ni. Vânlalpâri, Luangmual Vêngthlang a zai a, Upa Dr. B. Lalrinsânga, Ramhlun Vêngchhak paper buatsaih, '*Chanchinbu kalhmang*' tih zir ho a ni a, sawi hona hun tha tak hman zui a ni bawk.

Workshop-a telte hi chanchinbu enkawltu 499, Central KTP hruaitute leh chanvo nei dangte 142 an vaiin 641 an ni. Workshop-ah hian sawi hona hun an hmang tha hle a. Chawhnu lam hun hi tlai lam dâr 4:00-ah Pu Vânlalpêka, CKTP Finance Secy-in ţawngţaiin a khâr a ni.

Kristian Thalai Pâwlah hian Bial hminga chanchinbu buatsaih thei Bial 45 an awm a, Branch chanchinbu buatsaih thei Branch 433 an awm bawk a ni.

### SYNOD BOOKROOM, CHANMARI BRANCH HMUN THAR PATHIAN HNÊNNAH HLÂN

Synod Bookroom Châmari Branch hmun thar tûr chu hun rei tak buatsaih a nih hnuah Sept. 16, 2016 (Zirtâwpni) chawhnu dâr 2 khân Rev. PC Pachhûnga, Executive Secretary, i/c PRESCOM chuan Pathian hnênah hlânin luah fel a ni.

A thar veka hmunnma cheibâwl niin Synod Bookroom Showroom zînga mawi leh fel fai ber tûra buatsaih a ni.

Synod Bookroom Châmari Branch hi February 23, 2002 khân hawn ţan a ni a. Hawn tîrh aţangin Châmari Biak In hnuaiyah hian Châmari Kohhranthlazâr hnuaiyah alaawmchar char a. Synod Bookroom Châmari Branch hian chak taka hmasâwn chhovin Aizawl khawpui

chhûng mai ni lo, Synod Branch zînga ţhang duang leh duhawm ber pâwl a ni. Tûn hnaiah wawî thum ngawt Synod Bookroom Branch tha ber dinhmun pawh a lo luah tawh nghe nghe a.

Tûna hmun thara insawn tûr hian 2016 June thla tîr aţang khân hma lâk ţan a ni a. A len zawng hi a dung lam feet 45 leh a vâng lam feet 20 a ni. Hmunnma buatsaihna atân hian ₹ 8,00,000 vêl zet sên a ni a. A hma lam glass vuahna leh rawng hnawihna sênso hi Châmari Kohhranin an tum a, a bâk a chhuat phah te, ceiling siamna leh chhuar siamna te hi PRESCOM Dept. in a tum thung a ni.

# Râl Vêngtu

Râl Vêngtu chu a râlthum famkim nêr râl vên bûkah chuan mipui che vêl thlîr chungin, râl hma tâwng an lo kal em tih thlîr chungin a vei a vei a. Nakinah chuan râl hma tâwng pawh ni lo, a khaw chhûng mi ngei mai, lêng kual dan dan hi a zuk hmu a. 'Chûng mite thu vei kualpui chu eng nge ni teh rêng' tiin Râl Vêngtu chuan a ngaihven zui ta a. A thil hmuh leh hriat aţang chuan râl vên thu puan ngaiin a hre ta a.

Râl Vêngtu chuan a tawtawrâwt  a ber chu la chhuakin "Khaih khaih khaih, lo ngaihthla  euh rawh u. T n lai hian mi  enkhath 'Sawrk r hi lang tlang sawrk r a nih ang bawh hian, Kohhran pawh hi lang tlang kohhran a ni t r a ni' tia mipui hn na  awngkam lo cheh kual  h n an awm nia hriat a ni a. H ng mite hian hriat fuh loh an nei a ni. 'V n taksa ropuina chu a dang a, lei taksa ropuina pawh a dang, Ni ropuina a dang a, thla ropuina pawh a dang' tih ang kh n sawrk r kal d n a dang a, kohhran kal d n pawh a dang, sawrk r ropuina a dang a, kohhran ropuina pawh a dang. Kohhran leh sawrk r hi ngaih fin loh t r a ni. Kohhran ror lnaah chuan mi mal chungch ng leh mipui hriat at na  a lo z wk sawi leh r l a ngaih ch ng a awm  h n. Mipui z nga sawi chhuah chi leh sawi chhuah loh chi a awm. Mipui hriat t r chin chu hruaituten an puang z r mai  h n. 'Chumi chuan tichuan a ti a, keiin tichuan ka ti a...' tia ror lna hmuna thil sawi d n zawng zawng mipui hriata t ngaupui hi kohhran kalphung a ni ngai lo va, inpumkhatna tichhetu mai a ni z wk. Chutianga ror l puanz r mai loh chi puangzar leh sawi d n boruak mipui z nga vawrh darh ch ng an awm chuan 'Committee mawng pawp' an ti  h n. Thur k hmuam thei lo khawpa kamtam te hian chh ngkua an timualpho ch wk. Paula'n, 'Thil engkim tih ka t n a thiang a, engkim tih a  a kher lo... thil engkim tih min siam  a kher lo' a tih ang kh n, kohhran thilah chuan kan hmuh leh hriat zawng zawng sawi chhuah hi a  a kher lo va, sawi chhuahin mi a siam  a kher bawh hek lo, fimkhur hle ang che u," tiin. Mipuite chuan, "E khai! A ni d wn tak e. L ng kual ho thusawi chuan min lo hruai sual hman  ep alawm le, an thu pawh *chaw tak kh ka kh kpui* t k a nih loh tawp chu," tiin an sawi zui ta nak nak a.

## SYNOD HOSPITAL, DURL NG AUGUST, 2016 CHH NGA THILP K DAWNTE

### I. CHARITY FUND

1. Pu Laldanglova, Durlang Mel - 5	�	1,000
2. Pu Lalsanglura, Durlang Mel - 5	�	1,000
3. Pu Rosawmliana Varte, Leitan	�	1,000
4. Pu Lalramena Ralte, Durlang Dawrkawn	�	1,000
5. Hming hriat loh	�	20,000
6. KTP Br., Zarkawt	�	10,000
7. Champhai Vengthlang North Kohhran Hmeichhia	�	5,000/-
8. NPSS, Baktawng Venglai Kohhran	�	2,020
9. KTP, East Phaileng Pastor Bial	�	1,100
10. Zorinmawii, Zarkawt	�	3,500
11. Lalnunsanga, Durlang Dawrkawn	�	1,000
12. Rebecca Laldinpui Ralte, Ramhlun 'S'	�	1,000
13. Lungdai Presbyterian Kohhran	�	1,000
14. KTP, Sialsuk Pastor Bial	�	5,000
15. Secretary, Mizoram UPC, Durlang Bial	�	10,000
16. General Secretary, Central KTP, Synod Office	�	4,52,436
17. Pu Lalramhluna, Chaltlang South, Aizawl	�	1,000
18. KTP Br., Chhinga Veng East	�	1,710
19. KTP, Venghnuai Pastor Bial	�	10,000
20. Bualpui Presbyterian Kohhran	�	10,000
21. Synod Lay Workers' Fellowship	�	14,900

### II. THISEN PE TE

1. KTP, Bethlehem Venglai North Branch	PEK Z�T	17 Units
2. KTP, Baktawng Pastor Bial		38 Units
3. KTP, Bethlehem North Branch		39 Units
4. KTP, Venghlui Branch		35 Units
5. KTP, Aizawl Branch		22 Units

### III. THIL DANG PE TE

1. Chuaurokunga leh Ngurmanthangi, Mission Vengthlang	Eye Ward Cabin tan Wall Clock
2. B. Lalrinawma, Mission Vengthlang	Eye Ward Cabin tan Wall Clock
3. Mrs B.Lalthlamuani, Mission Veng	Eye OPD tan Water Filter
4. Mizoram Upa Pawl, Khatla South Unit	Tual hmunphiah 6 leh Swabstick 10,000
5. Pu Lianhmingthanga, Mission Veng	Pi Puii In Ground Floor tan Teak thutthlengsei 2
6. K.C Lalbiaktluangi, Tailor, Synod Hospital	A pasal Lalrawngbawla (L) hriatreg nan ICU tan IV Stand pahnih
7. Pu Roliana Chengkual & family, Durlang Mel 5	Eye OT tan Washing Machine
8. Mission Veng Kohhran Hmeichhia, Aizawl	Grace Home leh K.Ward tan Bedsheet thahnem tak
9. Pu Zothansanga & Family, Chawnga Road, Khatla	Pi Puii In Deluxe Room thutthleng lei nan � 40,000
10. Manager, Synod Bookroom, Mission Veng	Hospital Library-a dah tur lehkhabu 'Fundamental of Nursing' bu 16

Khawngaihna leh duhsaknaa thilp k min petete zawng zawng hn nah Lalpa Isua Krista hmingin l wmthu kan sawi tak meuh meuh a ni. H ng in thilp k kan dawnte hian damlo awm man harsate thlamuang takin a awmt r a, Hospital mamawh tam tak min puhruksak bawh a ni.

Sd/- REV. R. RAMDINMAWIA  
Chaplain, Synod Hospital, Durl ng

## MPF ANNUAL GENERAL MEETING VAWI 10-NA

September 29, 2016 kh n Mizoram People Forum chuan Synod Conference Centre-ah Annual General Meeting vawi 10-na an hmang.

Meeting hi session hnihah  then a ni a, chawhma hun hi President Rev. H. Lalrinmawian kaihruaiin inlawmna thu a sawi a, Vice President Rev. L wmthangan hunserh a hmang. Mizoram hmun hrang hrang aţangin palai an kal  hahnem hle.

Pu V nlalruata, Secretary-in inhm lhriatt rna hun a hmang a, Rev. Dr. R. Lalbiakmawia, General Secretary-in Annual Report a pe a, Pu PC Lalmawia, Finance Secretary hn n aţangin pawisa dinhmun *report* ngaihthl k a ni bawh. Pi

Lal ngkimi, Treasurer-in kum 2017-2018 Budget a pharh a, District Forum hruaitute aţangin thusawi tawi ngaihthl k a ni a, Upa S nglianthanga, T ngnuam leh NI. Ruth CVL Muanpuii, D wrpui V ngthar te an zai bawh.

Chawhnu hun hi Upa R.K. Thanga, Vice President-in a kaihruai a, Rev. G.B. Niropuia, Joint Secretary-in hunserh a hmang. Pu Lalthlamuana R lt , Tuikual buatsaih '*Sork r inr lb wlna  a*' (*Good Governance*) tih thupui zir ho a ni a, sawi hona hun hman a ni bawh. Tv. Joel Zaithanzuala, T ngnuam a zai a , Rev. Robert V nlalliana, Vice President-in l wm thu sawina hun a hmang.

## SYNOD PUIPATEN PRESBYTERY AN HMANPUINA

Synod Officers' Meeting-in ruahmanna a siam angin Synod Puipaten hetiang hian Presbytery Inkhawmpui an hmanpui -

Hming leh nihna	Presbytery hmanpui hming	A hmun
1. Rev. H. Lalrinmawia, Moderator	Champhai South	Champhai Zotl�ng Koh.
2. Upa H. Rongh�ka, Secretary (Sr.)	Zorampawn	Guwahati Mizo Kohhran
3. Rev. Lianhmingthanga Sailo Secretary (Jr.)	Aizawl West II	Zonuam Kohhran
4. Rev. PC Pachh�nga, Fin. Officer	Tuivawlr�l	Hliappui Kohhran
5. Rev. H. Remthanga, Fin. Officer	Tuich�ngr�l South	N. V�nlaiphai Kohhran
6. Rev. R. Lalchangliana, Statistician	Aiz�wl Central	Chh�nga V�ngthlang Koh.
7. Rev. Lalramliana Pachuau Sr. Executive Secretary	Tuipuir�l	B�ngzung Kohhran
8. Rev. B. S�ngthanga Executive Secretary	Chhimt�wp	B�ngtl�ng 'S' Kohhran



**MAUCHAR KOHHRAN:** Mauchar Kohhran chuan a kum 100 tlin lawmna (Centenary) Ni 22-24 November 2016 hian an nei dawn a, he Centenary lawmna hmang tûr hian Mauchar Kohhrana lo lawi tawh zawng zawng leh Zohmun Pastor Biala Pastor leh Pro. Pastora lo awm tawh zawng zawngte an sâwm a ni.

**CENTRAL JAIL VÊNG KOHHRAN:** November 2, 2016 hian an Kohhran Silver Jubilee lawmna hun hman an tum a, tisa leh thlarau lamah he hun hi malsâwmna thar an channa hmanrua a nih theih nân Central Jail Vêng Presbyterian Kohhrana lo lawi tawh zawng zawngte he hun hman pui tûr hian an sâwm a ni. Sâwmna lehkhâ hran siam a nih loh avângin hei hi sâwmnaah ngaih tûr a ni.

**TÛMPUI, KOLASIB KOHHRAN:** Ni 21-27 November, 2016 chhûng hian an Kohhran Centenary (Kum 100 tlin) lawmna ropui takin an hmang dawn a. He kohhrana lo lawi tawh zawng zawngte he hun hmanpui tûr hian an sâwm a ni.

**TUAHZAWL KOHHRAN:** Ni 3-5 November, 2016 chhûng hian an Kohhran Centenary (Kum 100 tlin) lawmna leh Biak In hawna hun ropui takin an hmang dawn a. He kohhrana lo lawi tawh zawng zawngte leh Bialtu Pastor leh Pro Pastor lo ni tawh zawng zawngte he hun hmanpui tûr hian an sâwm a ni.

**VÂNGTLÂNG BRANCH KÏP:** January ni 12-15, 2017 chhûng hian an Branch din champhaphâk kum 60-na (Diamond Jubilee) lawm an tum a. Vângtlâng Branch KÏP-a lo tel tawh zawng zawngte he hun hmang tûr hian an sâwm a ni.

### PASTORAL MINISTRY KAIHHRUAINA 2016

Mizoram Presbyterian Kohhran Synod Pastoral Ministry Kaihhruaina (Revised & Enlarged) 2016 chu a bua tihchhuah tûrin Synod Press-ah chhut mêk a ni a. October thla hian a chhuah hman beisei a ni. He kaihhruaina ennawnah hian thil thar a awm nual a, a hmaa tih angin Minister, Pro-Pastor leh Uplate hnênah a thlâwna sem a ni ang.

*LALPA chuan, "Hawh teh u, i ngaihtuah tlâng teh ang u! In sualte chu sen lâr angin awm tawh mah sela, vur angin a var ang; sen duk angin sen tawh mah sela, berâm hmul angin a awm ang."*

### CHHIM BIAL COMMITTEE NEIH A NI

September 28, 2016 khân Conference Hall, Synod Office, Lungleiah Presbyterian Kohhran Chhim Biala Committee sâng ber, Chhim Bial Committee neih a ni.

He Committee-ah hian Aizâwl lam aţangin Rev. H. Lalrinmawia, Moderator, Upa H. Ronghâka, Synod Secretary, Rev. Lalramliana Pachuau, Senior Executive Secretary, Rev. K. Lalrinmawia, Secretary, SMB leh Rev. Lalchuanmawia, Bûngkâwn te an kal a. Lunglei East Presbytery, Lunglei West Presbytery, Chhimtuipui Presbytery, Chhim tâwp Presbytery aiawh palai pahnih theuh bâkah Pu Albert Lalhmangaiha, Area Promoter, Synod Office, Lunglei te an ni.

Thurêl tam tak zîngah Chhim Bial enkawl dân en thât te, SMB hma lâkna hnuai Music & Literature chak zâwka kalpui rawtna te, Home Mission SS Zirlai bu, Nilai Thupui leh Holy Bible te Chakma ţawnga neih dân kawng zawn thu te chu SEC-a thlen tûra rawt a ni.

Aizâwla Chakma Fellowship din rawtna te, SHMS Bungtlâng South zir chian rawtna leh SHMS Tlabunga hostel dah chungchângte leh zir chian rawtna te, SHMS Khawmawi a awm, English Medium-a leh rawtna te, SHMS Kawrthindêng Middle School Upgrade rawtna te chu Synod Mission Board-a thlen tum a ni bawk. Chhim Bial pum puia pawisa hman tûr Additional leh Home Mission South leh Pastoral-a pawisa hman tûr chi hrang hrangte chu Synod Finance Committee-ah leh Synod Mission Board-a thlen tûrin pawm a ni bawk.



### PATHIAN THU ZIR DUH TAN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni leh dawn a, dîl duh chuan hêng hi hriat tûr a ni e.

1. Admission Form Office-ah Rs. 10.00 (cheng sawm) a lei tûr a ni a, November 29, 2016 (Thawhlehi) tlâi dâr 3:00 thleng PBS Office-ah theh luh theih a ni. Dîltu chu Class VII passed/Middle School exam passed, kum 16 aia naupang lo, Kohhran dân chhûnga awm a ni tûr a ni.
2. December 1, 2016 (Ninga Ni) zîng dâr 10:00-ah interview neih tûr a ni a, January 16, 2017 (Thawţanni) ah Class ţan a ni ang.
3. Zir hun chhûng thla li i.e January-April, 2017 a ni a, zirlaite hnênah thla khatah stipend Rs. 500/- pêk a ni ang. Hrechiang duh tân Phone No.2317343/2325082/9436198231-ah zawh fiah theih a ni. Hostel a awm lo.

Sd/-  
REV. LALNEIHVÛRA  
Principal  
Presbyterian Bible School